

四庫全書

集部

欽定四庫全書

華陽集卷六

宋 王珪 撰

輓詞

贈司空侍中晏元獻公挽詞二首

震邸陪經席辰堦擁化鈞高謨帷幄舊嘉績鼎彝新露  
濕銘旌曉塵凝燕榭春許郊民愛厚猶憶相車茵  
富貴誰為並文章世所稀勲名丹史在體貌九天違嵩  
極朝催峻台躔夜掩輝空餘舊遊客淚向寢門揮

贈太子太傅李康靖公挽詞二首

議政西清貴辭榮北第開魯岡天與壽荀里世多才象  
告中台圻峯驚半嶽摧秋風嵩少路簫鼓有餘哀  
陪幄方圖政安車遂告年帝求惇史善人嘆大夫賢故  
館西州路佳城京兆阡惟應舊遊客墮淚向碑前

贈禮部尚書唐質肅公挽詞二首

偶歇延英對如何遽不來卹恩天子厚遺直世人哀路  
轉侵龍耳星沉近斗魁送車知幾乘莫賦泰山頽

公今  
葬密

縣泰  
山下

昔在仁朝日孤忠獨犯顏  
一身寧自顧萬里偶生還  
却度黃梅嶺重趨玉笋班  
不知君檻折千古更誰攀

王公和學士挽詞

念昔携君手同遊金馬門  
流年一鳥過白首幾人存  
星掛朝衣濕塵埋相印昏  
間丞相改卜同日西風原上淚不得灑  
清樽

濮安懿王夫人挽詞二首

王族親無儼皇圖慶有歸神樞曾感電

先帝降生之夕赤光照室有龍

上下仙寢忽藏衣

治平中即濮國立廟夫人已合食廟中

正祚尊仁統新

阡祔濮園朝廷恩稱義孝奏宣天違

曉望青嵩道仙雲滿畫輪黃龍盤吉仗翠鳳繞哀珉

上命

宗暉作哀誌文其石周心翔鳳金塗鏤花錦裏匣納于墓中蓋出殊禮

千古徽音在三川

王氣新寂寥餘故壠瑤草又逢春

贈太尉鄭文肅公挽詞二首

一掬黃金甲征西戰馬驕十年邊算盡今日旅魂招落

月孤營掩酸風去路遙平生忠烈在史筆冠清朝  
星墜將軍府邊山萬木腓誰言夜舟固那復玉關歸旌  
旆低寒色簫笳慘夕霏所嗟恩館淚不到九泉揮

挽胡信芳上舍二首

濠上初相得竹林曾共游清文三峽水爽氣九華秋世  
已從新學人誰與此流遺芳端不朽未信蓋棺休

清弋江村外工山右縣邊追遊曾結社許與更忘年郢  
斲無為質牙琴有絕絃巾箱遺墨在披閱一潸然

挽吳止水

人生五馬貴不負壯心期竟作青門隱空吟畫戟詩家  
聲江表重心事歲寒知未恨風流絕雙珠似可兒

有歲寒亭

挽貢南漪三首

齒德人皆仰詩書老更耽福兼鴻範五瑞集鳳雛三歲  
月供陶寫江湖入笑談流芳鍾四葉蘭玉儼相參

燕居宣聖像侑坐祖黎公矜佩一朝集絃歌九族同夜  
窓書案雪春服舞雩風長使南湖學千秋紀此翁

秀野春如綺平湖水拍天商詩涼月夜把酒狎鷗邊秋  
柏已成實寒花誰為妍傷心者舊盡何用慰華顛

挽董瀾溪二首

六館知名久雙溪避地來交新如舊識世短惜長才悵  
望中年別飛騰暮景催墓陵他日淚不獨故人哀  
嗜學嘗忘味說詩堪解頤竹林雖晚會濠上獨深知蘭  
畹無留馥鳳巢空舊枝停雲正愁望橫笛未休吹

挽潘昌朝



道德諸儒表文章大雅人杏園三月暮花縣一回春脫  
展官情薄轉頭時事新猗蘭芳未沒世業不沉淪

挽吳太社

文獻家聲遠簪纓世德昌幾篇青玉案三佩白銀章北  
苑新阡好平原舊業荒百年喬木在留得耐風霜

挽錢公起

錢震午兩  
舉不第

家學三餘足詞場一眼空摘髭連薦鶚點額不成龍酒  
上新墳土香銷舊桂藁絕憐楊執戟臨老悔雕蟲

挽董儒仲二首

戰藝升環水論詩得異聞  
窺園仍舊隱下馬忽新墳  
白社真投分青燈憶離羣  
有書無子讀此事最憐君  
復憶同遊處經春在武林  
湖光浮鷁淨山木坐猿深  
事往唯詩在悲來託夢尋  
朋知零落盡投老若為心

王樟挽章恬齋

學以明經著名因伏闕聞御書題姓氏司業賞程文竟  
老諸侯客虛傳五色雲百年公論定往事謾紛紛

王鰲叟挽程學山

人物琴臺妙風流洛社餘心傳七分易家有五車書舊  
藁兒編集新廬手拮据九原無起日楚些重歎歔

挽霸州文安縣主簿蘇明允

岷峨地僻少人行一日西來譽滿京白首只知聞道勝  
青衫不及到家榮元猿夜哭銘旌過紫燕朝飛挽鐸迎  
天祿校書多分簿子雲那得葬鄉城

贈太師中書令魯國曾宣靖公挽詞二首

熠熠台符切太微滿朝文物盡光輝曾扶聖日攀雲上  
便向春風解組歸一代衣冠矜閥閱同時父子筦樞機  
人生富貴誰難致八十如公自古稀

璧宮人去水潺潺帝輦空臨淚一潸白玉薦樽陪廟食  
黃金灑翰落碑顏星辰掩靄移天上桃李芬芳滿世間  
門外沙堤何日盡只應陰施在銀山

工部尚書致仕王懿敏公挽詞

慷慨當年論太平諫書雖在已塵生三秋勝氣橫金甲

半夜離歌掩玉笙  
庭下綠槐空自老  
匣中長劍為誰鳴  
壯圖未就冠先掛  
從此無由聽履聲

贈侍中李良定公挽詞

悲簫忽犯曉樓鐘  
樽酒應非昔餞同  
家貴曾還金鉞寵  
時清不見玉關功  
佳城蔓草千年閉  
後院繁絃一夕空  
唯有平陽舊池館  
依然芳樹倚東風

贈太子少師元章簡公挽詞

天子思賢共政塗  
中台前日得真儒  
正看浴鳳來雖晚

不覺冥鴻去已孤曉月猶臨千里梓

千里吳塘地名

春風又卷

五雲圖

中書樞密政東廳有五瑞雲圖公嘗賦詩

誰過南蕩青山下只恐

高名自古無

贈禮部尚書邵安簡公挽詞

公嘗知鄆州

獨騎箕尾去凌虛枉駕追鋒作召車衣褐誰陳定美冊

汗青猶載立儲書

公慶歷中論西事拜官嘉祐中當建立儲之議

春風澤國吟

棧冷夜雨溪堂燕豆踈曾向江湖握君手相從朝路一

華胥

贈太尉呂惠穆公挽詞

秦川歸騎照山紅，不覺悲簫起暮風。  
天上紫樞深北斗，人間金印獨三公。  
漢庭樽俎奇謀在，隴首旌旗殺氣空。  
見說韋平有家學，莫將文字葬墳中。

刑部侍郎致仕王熙仲挽詞

解組歸來歲月侵，應無塵土上華簪。  
猶聞別鶴山中怨，忽送冥鴻日外沉。  
洧水于今寒露起，漢臺依舊白雲深。  
與君曾論平生事，不覺臨觴淚滿襟。

贈禮部侍郎宋次道挽詞

平日朝廷重老儒何人奕葉在青途  
吟牋夜月驚鵲兔談麈春風落寶珠  
金石誰新三代樂丹青空上兩京圖  
可憐東觀書垂就不得君前萬歲呼

張思愚挽季子敬

逍遙林壑老生涯屬鱗俄聞鏡裏蛇  
言行何當記先友兒童猶憶接通家  
青囊占兆埋雙劍素業流傳富五車  
耆舊凋零似霜木敬亭西望淚橫斜



汪夢雷挽陳祥卿

哲山人陳當從先生游

總角難窓承考訓記同筆墨又同庚龍門浪煖科名起  
鵬路風高世運更政爾疑年思絳縣俄驚疇昔夢殷楹  
蘭蓀四世圖家慶老友追思獨愴情

附

奉安真宗皇帝御容於壽星觀永崇殿導引歌詞  
憶玉清景繁盛極當時千古事難追漢家別廟秋風起  
空出奉宸衣三山浮海日暉暉羽蓋共雲飛靈宮舊是

棲真處還望玉輿歸


大慶殿樂章二首

慶雲之曲

乾坤順夷皇有嘉德爰施慶雲承日五色輪囷下垂萬  
物皆飾維天祚休長被無極

嘉禾之曲

太平之符昭發衆瑞爰有嘉禾異隴合穗大田如雲既  
穫既刈野人愉愉不亦有歲



欽定四庫全書

集部

華陽集卷七至十二

詳校官庶吉士<sub>臣</sub>李如筠

檢討<sub>臣</sub>何思鈞覆勘

謄錄監生<sub>臣</sub>范重榮

謄錄監生<sub>臣</sub>章儔

謄錄貢生<sub>臣</sub>程廷璋

欽定四庫全書

華陽集卷七

宋 王珪 撰

狀

謝賜譯經院開堂御燕奏狀二道

伏以赤精馭統有開鳴社之期  
竺館繙經或暢妙雲之  
蘊寵申嘉燕榮決近司恭惟  
皇帝陛下抄妙道之筌護  
真誠之教唱文百法特盛驚  
峯之傳覺衆千迷更踰麟  
德之論勝因所輯皇厯是資  
臣等叅秉台衡預研宗旨

曲霑君惠之渥永祝帝齡之長

伏以斗樞發耀慶千齡之盛期海藏緒經資三諦之殊  
福保鴻寧于帝御覺衆慧于迷途法自五天甫集真文  
之妙詔傳九陛更叨需燕之榮臣等冒寵柄司預遊竺  
館仰罄後天之祝參聞諸佛之筌玩繹非工恩慈踰厚  
謝賜上已御燕奏狀

時惟莫春節屆元已詔開祕籙寵會華紳恭惟皇帝陛  
下廣君覆之仁厚臣隣之禮屬嘉辰之修禊命慈燕于

需雲天沼迴波景絕華林之勝羽觴流座歡逾曲水之  
遊臣等夙際休期階榮近輔匪積涓銖之補徒懷醉樂  
之私

謝賜入伏早下奏狀

伏以四序流陰三庚應伏時屬炎威之熾詔矜官府之  
煩恭惟皇帝陛下恤物推仁順時布令曲降使貂之諭  
載蠲禁苑之勤入以奉朝既識舒長之刻退而靜事更  
陶熙盛之風

謝賜年節御燕奏狀二道

伏以治洽丕期慶崇上日燕示皇慈之渥禮優近輔之榮萬國獻珍已盛西都之會羣臣卜醉更逾湛露之詩環視眷私永肩忠報

伏以帝運重休歲元更始寵及使貂之命燕頒玉醴之慈春物嚮華已遂登臺之樂朝歡多洽更榮在鎬之逢永厲殫忠仰酬鴻施

謝賜喜雪御燕奏狀



伏以寒籥適中飛靈歛布誠感上靈之瑞燕盼近輔之  
慈德產之萌已著豐年之兆預臻幸樂君庖之飫更榮  
聖日之逢

免修起居注奏狀

竊見八月中特除何中立呂濤知制誥臣與韓綜並命  
修起居注是時議論外騰呂臻尋露章自辨既朝指降  
諭羣疑釋然其後數日復聞造端設謗之人欲相汙染  
反謂臣忝茲恩命亦緣干請緣臣塵玷陛下科甲九年

於茲身與世孤在朝無纖芥之助今一罹謗語誠恐立身清朝寢不得自明廟堂深嚴臣實不知詔除之繇雖欲不言勢不獲已伏望陛下察臣孤危如向來果有私託之因願尋究其所從來付之公行庶幾事理明白其同修起居注之命臣即不敢當伏望朝廷追寢使臣免為羣小所陷冒犯旒宸臣不勝待命萬死之罪

謝宣召入院奏狀

右臣今月十二日翰林待詔李九思至臣所居奉宣宸

旨召臣入院充學士者仙扃遣使甫馳及於窮廬詔檢  
飛文遽進登於內署名因寵過幸與媿深伏以極儒者  
之榮獨高翰墨之選鼓天下之動莫如號令之孚故與  
游北門絕貴前代居則裁深厚之訓進則奉清閒之咨  
靡容濫延以汙嚴從如臣稟生孤陋涉學淺蕪夙陶聖  
化之醲偶點士英之級代言西掖空驚五載之遷進讀  
露門未紉一言之補忽召更於詞禁益陪侍於天光而  
臣學疎不足以裨帝謨智短不足以經國論徒銜君遇疇

允師僉茲蓋皇帝陛下講治道之隆廣人材之育使駕  
乘不杞或跂長途之驅由桷刻而丹尚增大厦之觀臣  
敢不厲敦素業勉蹈清修炳文章之風已屬漢功之美  
歌日月之盛維知聖德之逢雖並言糜捐何酬覆露

謝敕設奏狀

右臣伏蒙聖慈以臣入院特賜敕設者禁署詳延驟聯  
密從君庖飫賜載荷豐恩榮極儒紳愧驚魂幹竊以詞  
翰之苑拱宸極以蔽扉典謨之篇象渙文而孚號近古

之選甄才至精伏念臣早邁熙辰誤躋異等曩更書殿  
之直旋預掖垣之游顧無諱辭參祓鴻藻遽被使軺之  
召復陪浴殿之趨由啓詔筵併融朝渥衆嬉程妙獲均  
平樂之歡列俎薦珍更識蓬池之味寵深效淺感集懼  
并徒誓糜捐以申論報

南郊乞姪仲隣恩澤奏狀

祭重於郊方舉報天之禮恩加在位特開延世之科臣  
有親姪仲隣早越冠年粗親師訓儻獲霑于一命共圖

報于終身

謝賜錫慶院乾元節齋筵奏狀

臣伏以孝承大德有赫受天之符祥發星樞於昭誕聖之序需雲示惠浹寓均熙恭惟尊號皇帝陛下仁覆羣元化躋邃古履乘離之首氣紀出震之昌期迴天揖於朝茶交隣歡於聘玉稱觴為壽徒馨頌堯之深合樂於庭更阻在鎬之集臣某等慶逢昭旦任列鴻司旣皇德以既優誓捐勞而何補

免兼侍讀學士奏狀

臣伏念昔之進讀露門必詳求博學碩德之士使日敷經術於上前庶聰明之益有所發道藝之益有所廣也臣自惟孤陋之分塵于禁林而文章器業不足以補朝廷矧可復冒經席之選哉臣是以聞命而不敢安也伏望陛下更采髦雋以輔聖學其告勅即不敢祇受臣不勝竢命兢皇之至

除翰林學士舉官自代奏狀

伏蒙天恩特授臣依前官充翰林學士依勅節文舉官  
自代者臣伏見尚書禮部員外郎知制詔韓絳士林之  
英國器之寶風節足以厲俗材謀足以經邦願回詔旨  
庶協公論

舉人免解奏狀

右臣伏見貢院自貢舉詔下屢有舉人陳狀稱會預逐  
處文解後值疾患及服式不曾就省試攀援過省舉人  
體例乞免解本院勘會過省舉人免解近歲以來始於



權貴子弟因而啓例切緣身被服制及病患自不能隨  
赴殿試今若便免取解并省試誠為過幸與曾被鄉薦  
之人理同而恩異致援此者多欲乞今後應舉人以服  
以疾不及引試御前者只與免將來文解其鑠應人亦  
乞放此

議貢舉庠序奏狀

右臣得御史臺牒奉詔令議貢舉庠序之法夫以古之  
取士莫不即之以鄉里考之以行藝然後賓興之故得

純明樸茂之材咸爵之於朝今天下雖有學人率多游  
放未盡得土著之士教授者又無訓導之科每下詔京  
師增補監員不可勝數使飭身厲行者與夫不肖叢然  
而並趨將何以別焉請選置天下學官罷京師增補監  
員盡命歸就本貫凡薦送俟有司考定命長吏發其名  
氏參以行實而高下之若素無檢者皆得以斥去今既  
三歲設科以大較羣士亦當間令諸道搜訪高行之人  
庶幾遠近無遺材又諸科徒專誦數之學無補於時請

自今新人毋得應諸科皆令習明經不數舉間可以盡革其弊若乃貢舉以詩賦策論取人蓋自祖宗以來收攬天下豪俊莫不用此臣不敢輕議

進士諸科名額奏狀

右臣竊惟貢舉之法盛於有唐自貞觀訖於開元文章最隆其較藝者千餘人而所收者無幾咸亨上元中當增其數然無及百人者國初取士之科大抵皆襲唐制暨興國中始大擢貢士其後寢以益廣無有定數故自

金史卷之二十一  
卷七  
近年以來官吏猥濫溢於常員甚非國家取人之意前  
詔禮部應進士諸科奏名皆以四百人為額茲誠聖慮  
所欲革仕進之弊而敦治原之要也臣愚伏慮將來羣  
士至闕下一有搦搖而言者輒議衝改伏望宸旨申飭  
有司固令遵守為定式

諸科問經義奏狀

右臣竊以有唐取士之法雖有數科然當時士選之盛  
者惟明經進士而已蓋明經先問義而後策試三試而

皆通者為得第其大畧與進士等國家比試諸科既不  
明經義又無策試之式但能精於誦數者即舉以中選  
是豈朝廷設科取士之意哉前詔禮部令諸科終場日  
於本經問大義十道九經五經只問大義茲誠國家推  
廣教道將令士者悉以明六經大法之歸固不專於記  
誦之功也臣已著之於條然慮議者以謂難於猝更猶  
欲安習前弊伏望朝廷預戒有司永以遵守

舉王安國奏狀

右臣竊觀漢之取士非一路每詔郡國舉茂材孝廉與夫文學之高第又令丞相御史採質樸敦厚謙遜有行者而舉之間有災異又博采賢良方正直言極諫之人漢所以同風三代者無異術特以得人為盛爾伏見應茂材異等科王安國翰林學士安石之弟行義純茂而學足以明先王之道其少已自高恥與天下士出入場屋間況肯晚同門蔭子弟以苟一時之進哉今年將四十身不得廁卑衣之列行與陛下之民老於太平無所

為士大夫咸為惜之夫三歲一詔貢舉而實學者未必盡得制科所得又不過一二人豈若博取而廣收之若安國者儻得間有所收不亦為明朝得人之慶乎伏望特許如王回孫侔黃君俞等例除一恩命且令於國子監講解以試其長或不如所舉臣當坐冒聞朝廷之罪除兼端明殿學士舉官自代奏狀

右臣蒙恩授兼端明殿學士依勅節文舉官自代者臣伏見龍圖閣直學士兼侍讀李東之孤風表俗厚望端

朝久同侍於禁筵未見榮於祕殿若臣杼薄終累甄明  
願回寵於詔聲庶協休於國論

免兼端明殿學士第一奏狀

右臣今月五日蒙宣至藥珠殿面諭除臣兼端明殿學  
士者竊以端明殿學士自昔班翰林學士之上以得入  
侍殿中最為貴近故非碩學重望之臣未始與選今臣  
起於孤賤已點兩學之職自惟文章器業不足補朝廷  
方日俟退黜不謂皇帝陛下特出宸衷親諭執政更加



此命臣雖知遭逢陛下為千載之榮然臣重顧庸陋無名冒職是以雖犯鼎鑊之戮而不得不辭也伏望陛下矜憐舊臣俾全愚分其除端明殿學士特賜寢罷

第二奏狀

右臣近蒙恩除兼端明殿學士嘗具奏辭免奉聖旨不允者竊以賞罰者上下之所共守也故賞不當則立功者怠罰不明則為惡者苟免維是二柄豈特上欲持之必公蓋臣亦望其不私也臣不佞塵於禁林舊矣自陞

下躬攬政事凡朝廷之所更張間得與議于有司方將革冗官損幸職而臣於此時更竊無名之賞將何以率先其下者哉臣非不知陛下臨燕坐發德音庶幾有以寵臣而臣愚計之恐非所以為之寵也伏望陛下慎賞罰之大公念孤危之易毀儻安於常分猶過被於深公其端明殿學士終不敢祇受

第三奏狀

右臣奉勅書仁宗皇帝御製之碑及碑成蒙陛下獨于

兩制中召臣至藥珠殿坐上傳宣中書令除臣兼端明  
殿學士臣聞命之際媿汗交集竊意陛下感念先帝述  
作之文因以誤寵加臣然臣以書碑之事乃一待詔所  
能臣固無狀猥點侍從兩朝夫以一待詔所能加一殿  
學士之職儻議者之見及是則上辱先帝之遺命重累  
陛下之異恩臣是以至於輟食忘寢而不自安也今臣  
稽違君命而不受法當得罪況辭之不可止乃陛下初  
欲推恩而終使臣得罪也伏念宸慈特賜收還告勅臣

不勝隕越之至

依御批受翰林承旨奏狀

右臣適奉御批已除卿承旨命下便可祇受蓋出朕意臣竊惟此職朝廷素以待年德之臣而臣名望素微恐不足以進承密旨首班近臣方欲削章陳避而蒙陛下過賜教諭臣何勝矐遇之隆來日便於閣門承命

除翰林學士承旨舉官自代奏狀

右臣蒙恩特授臣依前官充學士承旨准勅節文舉官

自代者臣伏見翰林侍讀學士禮部侍郎范鎮博學有  
文秉節據正不以夷險易其操不以進退累其心俾之  
代臣實允公議

謝賜對衣金帶鞍轡馬奏狀三道

右臣伏蒙聖慈特授臣依前官充翰林學士賜衣一襲  
金腰帶一條金鍍銀鞍轡馬一匹者進聯內苑寢冒禁  
游拜賜嚴墀併膺蕃數揣躬之薄顧寵以驚伏念臣蚤  
以謏能塵于峻級紬文東觀之祕裁訓右垣之清曾微

職勞取稱朝遇誤荷帝宸之采擢更詞禁之榮申衍殊  
私載加優賚縑衣且燠煥珍帶以紆華乘馬既良駛文  
鑣而駕駿驟豐幽部增賁最區顧慙稽古之所蒙大懼  
在梁之不稱誓輸忠蓋仰答覆容

兼職禁塗頒恩御府榮踰常分忝集丹衷竊以勞大者  
得爵尊名隆者興器重時則加以衣服之美錫之車馬  
之蕃矧參祕殿之延尤異峻林之選而臣頃繇孤學遂  
際昌期空更二禁之游固乏一言之補方坐虞於顯黜

乃復置於清聯貢籩分珍被帶鈎而兼麗飛龍授駿騫  
鑣鎔以增華曾是無庸誠為非稱斯蓋伏遇皇帝陛下  
仁深全物禮厚使臣特疇積日之勞俾濫章身之寵蒙  
天地之施偃僂何安報國家之心糜捐曷補

應召嚴扉頒恩御府揣躬何薄顧寵為驚伏念臣蚤以  
謏能塵於辭級誤荷三朝之采遍更二禁之榮敷潤大  
猷素無東里之學進承密旨深入玉堂之游而復申衍  
舊儀加膺蕃數衣從上褚煥珍帶以紆華馬出內閑駉

文鑣而駕駿為辭林之絕擬及幽部以知豐顧慙先儒  
稽古之勤誠懼詩人彼其之刺誓輸忠蓋仰答褒延

奉太皇太后靈駕到陵下奏皇帝狀

右臣護從靈駕今月二十九日已達永昭陵下宮奉安  
一行並獲妥寧者躬陪仙御初戒陵宮行卜休辰以襄  
大事恭以大行太皇太后宸闡四紀寶冊未登當嘉祐  
顧託之初有定立先帝之策方治平諒闇之際有祇復  
明辟之書逮扶嗣聖之興鴻惟太母之重陰功惠及於



三世上壽宜過於百年邦禍靡圖忽下過音之制人情大  
愴莫攀上漢之遊望五陵之佳城合九壤之勝地聲靈  
孚佑無風雨塗潦之艱百執順祇無兵衛誰何之犯此  
蓋皇帝陛下永懷追遠盡志飾終恭事寢園雖勉循於  
遺訓講陳殿衛蓋多及於閣文臣忝帥屬司奉行謨命  
獲免曠瘵之咎盡繇憲度之明瞻望闕庭臣某無任

謝史院賜筆墨奏狀

右臣伏蒙聖慈以臣提舉脩國史特降中使賜臣筆墨

紙者使輶馳命御府頒珍拜賜為榮撫躬何處竊以自古有史維材之艱蓋祖功宗德其來也濬長而天高日升不足以擬議顧雖筆削之法得其土苴之餘然臣任事之久而力已疲向年之暮而學益落深惟論譔之重屬在典司之能自視何工亟饗嘉惠此蓋伏遇皇帝陛下義尊先烈禮厚時髦既寵以仙詔之華又將以文房之寶無馬遷之作但窺金匱之書非子雲之才亦被石渠之賜姑遲成於大典庶少答於誤恩

謝史院賜器幣奏狀

右臣伏蒙聖慈以臣提舉修國史特降中使賜臣銀器一百兩衣著一百匹者使及私門寵將御籩光榮燭外愧仄盈中伏念臣本起寒生寢登宰席既無能而冒錄況已老而逢衰方皇帝陛下攀義黃上世之書紀仁英兩朝之迹垂精大典追緝先猷迺命臣愚爰承人之蓋聖功焜耀自傳信於亡窮而朴學迂疎終懷慙於有補未施寸技更竊殊頒此蓋伏遇皇帝陛下隆好古之風

敦述先之志申念編廟之始有加賜予之常義不敢辭  
才與無稱屬書東觀顧素業之未忘被賜上臺誠深恩  
之所自誓公良法仰答睿知

陵名奏狀

右臣伏以漢營霸水曾不改其舊川唐下醴泉遂終藏  
於去劍緬追故事並見嘉名恭惟大行皇帝道與天同  
才非世出振易邦制規恢三代之摹作新帝文博盡六  
經之學未勒金泥之檢蚤驚玉几之言占龜洛之勝區

得鳳臺之吉兆行襄大事固有神靈之扶垂裕萬年永  
為子孫之利大行皇帝陵名伏請為永裕陵

進郊祀慶成詩引狀二道

右臣伏思前代帝王盛德之事當時皆形於歌頌載之  
金石以永無窮之傳恭以皇帝陛下御天欽明孝心祇  
順迺仲冬吉巳郊見上帝齋戒之暮神光交燭樵蒸焜  
上福瑞如山雖古寥濶之典豈足擬盛於今哉臣備員  
禁掖獲覩熙事其敢亡辭以揚國家之鴻休謹齋沐撰

成南郊慶成詩一首十韻浼塵天聽臣無任皇灼戰汗之至

右臣竊塵禁林舊矣自惟孤陋之學不足以發揮朝廷事功固已為恨茲者伏遇皇帝陛下肇禋於南郊而臣幸得贊上儀終熙事神靈祇歡諸福來下其敢無辭以揚萬世之休哉謹齋被賦成詩一章十四韻繕寫進呈上冒宸覽臣不勝戰汗之至

欽定四庫全書

華陽集卷八

宋 王珪 撰

劄子

乞奏為今登歌之樂闕一音劄子

臣聞昔之作樂以五聲播于八音調和諧合與治道通  
先王用于天地宗廟社稷事于山川鬼神使鳥獸盡感  
況于人心乎然則樂雖盛而音虧未知其所以為樂也  
臣獨怪今升歌之樂有鐘金也有磬石也有琴絲也有

簫竹也有笙匏也有塤土也有鼓革也而八音不完夫  
所謂祝敵者聖人所作用以著樂之始終豈顧容有缺  
耶亦嘗竊迹國朝以來議樂之文蓋莫究其所失之因  
且樂莫隆于韶書曰戛擊鳴球搏拊琴瑟又曰下管鼗  
鼓合止祝敵孔安國以戛擊是祝敵之用既下而擊鼗  
知鳴球與祝敵之在堂故傳曰舜堂上堂下各有祝敵  
也今陛下躬祠明堂並侑之瀆又將以薦至樂之和臣  
願詔有司考古而增定之取進止



辭侍讀學士劄子

嘉祐三年三月

臣準閣門告報伏蒙聖恩授臣兼侍讀學士臣伏見侍讀之職最為清近自祖宗以來尤所慎選居其職者常不過一兩人今經筵之臣一十四人而侍讀十人可謂多矣臣愚謬廁翰林又克史職太常禮儀祕閣祕書尚書禮部刊修唐書然則在臣不謂無兼職而經筵又不闕人忽沐聖慈特此除授蓋以近年學士相承多兼此職朝廷以為成例不惜推恩此來外人議者皆云講筵

侍從多無坐處矣每見有除此職者則云學士俸薄朝廷與添請俸官以人輕一至於此欲乞罷臣此命不使聖朝慎選之清職遂同例授之冗員况臣材識淺薄自少以來粗習辭草過蒙進擢俾塵禁署中年衰病常憂廢職至於講說經義博聞彊記矧復非所長今耆舊之臣經術之士並侍講讀者足以備顧問承清光欲望聖慈矜臣不才俾免冒榮之誚所有告敕不敢祇受取進止

預免脩國史恩例劄子

臣昨奉勅提舉修兩朝正史今已書故事修史并修實錄槩有恩命然臣忝膺大任安可輒因故例計銖髮之勞况自呂夷簡韓琦曾公亮已嘗聽辭臣非敢矯情第以位重材微寵名已過更茲冒賞於義豈安伏望聖慈特寵推恩取進止

再免修國史恩劄子

臣伏奉中書劄子錄黃以提舉脩史成賜臣銀絹各五

百疋兩對衣金帶仍與一子六品服伏以行賞必以勞  
受賞必以分今兩朝正史官臣宗孟以下實有汗青之  
勞臣援例提舉不得以論勞也臣忝班近弼動以儀帥  
百僚蒙朝廷遷除已叨錫予之厚今更無饜冒寵不得  
以安分也伏望聖慈察臣勞非應典分已過厓特許還  
於誤恩庶免詒於它議取進止

論蘇頌等封還李定辭頭劄子

臣伏見近日除李定為臺官自宋敏求封還辭頭後蘇

頌等相繼不肯命詞蓋謂近制未有自選人除臺官者  
今上還除命至于六七頌等雖欲命之勢不可得竊恐  
論者以謂天子之命其屈至於不能使命不逐頌等不  
足為朝廷臣則以為不然且頌等職在侍從豈有輒拒  
君命之禮蓋事下有司亦欲共守陛下之法爾況舍人  
院自有封還詞頭故事今守其官者得罪是則使人不  
可以守官也頌等既被責定得為臺官當亦有不自安  
之心萬一後人典誥命者猶引嚮來之議豈能盡責之

頌等非不知命詞則安不則危而能固守之亦不易得  
雖然此事蓋亦難處陛下若恢天地之度而與兩全之  
美莫若今日且除李定一京官明日除臺官則頌等豈  
敢有它說哉取進止

薦邱與權劄子

臣伏以求治之朝而翰墨之臣無以愈于薦士之補也  
伏見福州閩縣主簿邱與權景祐中有聲科場自爾二  
十餘年困於州縣然孤潔自遠不能苟合於當途之人

觀其藝文優深議論純正竊謂遭時右文宜見收采臣  
今保舉堪充國子監直講如經擢用犯正用已贓臣甘  
同罪取進止

薦鄭叔熊劄子

臣等伏見試將作監主簿鄭叔熊素通方書其術精密  
昨三司使蔡襄奉詔舉至京師今乃罷去且世鮮良醫  
如叔熊者少見倫比兼當在太學舉進士其於醫尤有  
持論伏望朝廷且留校正醫書當有所補取進止

請對天章閣劄子

臣等昨日嘗奉聖旨審處瀘州邊事仰尊睿畫在於事  
機勢不可援如韓存寶朝夕奏到果輒退軍欲望特賜  
召對天章閣更稟處分取進止

請對劄子

臣等前此兩日至慶壽宮移班奉慰伏見陛下摧泣過  
常殆非人情之所能勝羣臣相顧憂至變色竊惟易月  
之制已及外除陛下致哀無窮經杖未去恐非先王近



中之道臣等久不奏事殿中十七日禪祭之後望畧賜  
對使臣等得以奉遵遺訓面釋聖懷臣等不勝區區愛  
君之心取進止

乞外任劄子

臣資識迂陋蒙先帝擢置侍從者舊矣伏遇陛下嗣膺  
大統不以不材使復塵諸禁林然臣自惟文章器業不  
足以補裨朝廷今者又奉職無狀遭離讒搆若不能容  
伏望宸慈特許出守一州且臣犬馬之年未至衰恭敢

不悉心民事庶幾圖報於萬一取進止

乞京東西一州劄子

臣自塵文館以至歷更二禁凡二十五年未嘗一得出外雖在仁宗英宗朝累乞補郡及嚮會面陳悃悃終未遂所請然臣年齒寢高衰病日侵不惟文思荒落不能副詞翰之職且當階下求治之辰無銖髮之補朝夕惟有妨別進儒賢內不自安伏望宸慈許令出守京東西一州臣不敢以遠近為擇庶得稍親民政以塞素餐之

責取進止

乞知青州劄子

熙寧三年

臣以孤陋之學久塵禁林終無所補自仁宗朝累會乞出外比亦數于朝廷乞京東西一閒郡未遂私誠今聞鄭獬以疾求罷青州儻使臣得代獬行臣雖齒髮蚤衰猶能勉力民事上副陛下圖治之心疊冒宸聰死不知避取進止

免學士院潤筆劄子

臣蒙降中使賜寶慶公主加恩潤筆銀一百兩綵一百疋學士院故事凡潤筆並與見在院學士均分緣臣參命二府理難以當又當時新學士元絳楊繪並未到院所有恩賜今附中使隨劄子繳納謹奏

免撰高衛王康王碑潤筆劄子

臣今日伏蒙使者臨門奉傳聖詔以臣撰進衛王高瓊康王高繼勲神道碑特賜臣銀絹各五百兩匹金腰帶一條衣一襲者臣伏以賞予者先王必視諸有勞而審

出之苟出而無名謂之濫賞者法之所禁也陛下偶令  
臣撰二碑顧非有勞而賞及之且臣備位大臣所舉為  
四方所視豈可懷貪敗名以上累聖知乎臣是以決不  
自安也以嘗瀝陳犬馬之誠伏望天聽下臨曲徇所欲  
無任謹奏

謝撰高衛王康王碑潤筆劄子

臣近奉勅撰進衛王高瓊康王高繼勲神道碑特賜銀  
絹各五百兩足金腰帶一條衣一襲蒙降詔書不許辭

免者伏念臣承學淺迂逢辰布濩典三朝之翰墨偶被  
虛名述二武之勲勞莫追良筆豈謂皇帝陛下愛欲加  
於外族禮遂及於孤臣賜出非常已慙今日之受恩無  
不報自誓一身之捐謹具劄子奏知謹奏

薦李徽之劄子

臣伏見諫議大夫李徽之相門之彥蚤探經術前後累  
更寄任而其治不與俗吏同務昨差知鳳翔府先帝知  
其名特召對而遣之近以疾求領南京晉司御史臺今

聞疾已平尚在陳晉未赴任方朝廷急於用人若徼之者可惜置之閒廢之地望特出宸衷試許入見觀其議論可取却與一要劇差遣則徼之既蒙省錄當益盡補報之心取進止

薦康衛劄子

臣竊見虞部郎中知吉州康衛性資端畏材力勁彊昨被堂選知吉州在郡政事飭舉譽聞京師今保舉堪充升陟金穀刑獄要劇職任其後不如所舉臣甘同罪取

進止

薦李庠劄子

臣伏見太子中舍李庠故諫議大夫繹之子少有才蘊見推鄉閭歷官以來累有大臣薦辟以美茂之名飾以文雅舉有可觀昨因被病退居關中涉今累年如聞所恙已平但安恬自守不欲一來京師兼庠未分司以前久不下磨勘文字舊有召試指揮亦辭而不就其風節誠可嘉尚欲望朝廷特與就除陝西一合入差遣庶廣



惇勸之路取進止

薦孫侔林希劄子

臣伏觀前代之治逸於享國者未始不勞於求賢也夫以九宸之邃非可以博覽天下固必考薦者之賢而後試用之臣伏見試秘書省校書郎孫侔行義純正好學不倦少嘗游於場屋其後遂退居江湖然其所為詞章非下於諸生也知永興軍劉敞奏掌本道機宜亦辭不就辟夫士於困窮之中秉節自高顧今豈多得邪又新

杭州於潛縣尉林希材學逸羣衆所共知昨罷官閩中略至京師不擇祿而去未嘗一涉權勢之門彼誠安於中而不慕於外與夫詡詡然苟營於人者不亦遠哉伏望朝廷並擢為國子監直講庶使閭廟道藝於勸學之路豈云無補也其後不如所舉臣并伏同罪取進止

御殿名劄子

安安殿

帝堯文思安安

天祿殿

祿音和

燕德殿

燕安也

玉峰殿

恐有山石

叢芳殿

恐有花卉

# 道殿名劄子

叢霄殿

洞元五行經云神仙有五城十樓叢霄殿之觀出初學記

紫虛殿

龍飛尺素隱訣

云太真文人將盤紫虛之館

陽寥殿

素靈元道經云太常玉尊請九天之真太上三老君北極諸真

並會於陽寥殿共議天下罪福寥者空遠之象

天華殿

太洞雌一篇云三素元君在天華殿之房玉

晨殿

玉洞珠囊云黃房玉晨殿仙君所治處也又上清九真中經內訣有九晨帝君坐晨羲近宸已上並

出珠囊

靈鑒殿

言列真之下福也

臣今月七日中使奉傳聖旨取

道殿名今撰到殿名六謹因中使進呈取進止

後殿名劄子

經武殿

自昔皆前殿聽政而後殿閱武事今後殿又有崇政殿臣謂宜復建此號以示威四夷之意西

都內中

勤邦殿

書曰克勤於邦克儉於家

肝咨殿

天子日肝猶咨政事也書曰文王日

晁不

凝猷殿

凝者嚴整之象言王者迪道之嚴

熙工殿

熙廣也工官也書曰股肱喜哉

元首起哉百工熙哉言股肱盡忠君之治功乃起百官之業乃廣

臣今月十二日中使

奉傳聖旨取改廷和殿名今撰到殿名五謹因中使進

呈取進止

### 神御殿名劄子

孝熙殿

尚書注熙廣也毛詩注緝熙光明也孝熙者言孝道廣且光明前漢禮樂志乃立祖廟恭明尊

親大哉孝熙  
四極爰轄

孝寧殿

楊子孝志篇孝莫大於寧親寧親莫大於寧神寧神莫大於四海之

歡孝孚殿

孚信也詩云成王之孚下土是式言王道信則天下以為法

孝徽殿

徽美也尚

書慎微五典五典克從五典父義母慈兄友弟恭子孝也舜能慎美篤行之

孝釐殿

釐音禧說文吉

也一曰福漢孝文受釐坐宣室應劭云釐祭餘肉漢儀注祭而致福也

繼文殿

詩下武繼文也武王

有聖德復受天命能昭前人之功注繼文者繼文王之王業而成之昭明也

英德殿

先帝廟號曰英

按真宗神御殿曰奉真

英徽殿

尚書文王徽柔懿恭懷保小民注以美道和民故民懷之以美恭民

政民

駿烈殿

詩文王有聲通駿有聲注駿大也音峻

駿文殿

言大有文德也詩駿奔走

廟在臣今月二十八日入內供奉官至學士院奉傳聖旨

取英宗皇帝神御殿名今撰到殿名十不與前代相犯  
取進止

兩宮寢殿名劄子

臣今月十九日內臣某奉傳聖旨取太皇太后皇太后

寢殿名今撰到殿名如左興嬀殿翼興殿堯女降於嬀而舜功興塗

山女配禹華德殿如徽殿聖徽殿列女傳湯娶有莘氏而夏道昌

文王之妃詩云思齊太任文王之母思媚周姜京室之婦太姒嗣徽音則百斯男注徽美也太姒能嗣太任之

美音詩云母氏聖善太任殿太姒殿太任文王之母太孝經云取其愛也太任殿太姒殿太任文王之母太

皆姓也千春殿萬齡殿景徽殿崇愛殿祚乾保功殿體  
非名也

坤寧德殿臣考近代宮殿名義多淺近今欲建兩宮寢  
殿名夫塗山氏有莘氏之女太任太姒皆帝母之賢者  
陛下方盡力乎養舉天下無以稱其報非模考古事而  
述宣盛德則何以見尊榮之意乎前所上殿名惟陛下  
留意詳釋取進止

### 寢殿名劄子

萬祥殿儀乾殿洪寧殿寧乾殿寶乾殿福華殿景褫殿

長徽殿乾昌殿陽徽殿景徽殿乾隆殿天寧殿陽隆殿  
乾老殿乾華殿華祉殿欽祉殿鴻休殿寶祺殿昨日內  
臣某奉傳聖旨令臣撰寢殿名今撰到殿名二十不與  
前代相犯謹具進呈取進止

乞移皇地祇及感生帝齋宮劄子

臣近奉差祠皇地祇及感生帝其逐處齋宮各去壇四  
里以來每至行事先詣壇下點饌此則禮料赴神廚辦  
具復至祠所而執事者頗甚驅馳非惟樽簋豆籩冒犯



塵土之氣兼雨雪望祠又無放近壇壝之意甚非國家所以尊神嚴祀也臣欲乞下太常禮院相度其兩處齋宮並移於本壇之側以便祀事取進止

奏乞李東之致仕增俸劄子

臣等伏見太子少保致仕李東之久在經筵今引年得謝而清風孤節可以表厲朝廷臣等竊聞致仕官月俸例給見錢一分東之之歸族大而家最貧恐不能以自給又故事經筵之臣出外皆有所賜而近歲未有致仕

之例亦恐不霑並望宸慈特出異恩以稱優遇者學之意取進止

乞施行審官院勅劄子

臣伏以士之流品繫之審官重矣天下任官之數有限而入官者日益以滋既不能徧覈材之能否而陛下之故一以資格定其藩郡壘邑至於監臨所入與夫歲月考課所遷之法其用不足以周其弊而又或至於數易然則法者豈朝廷所以遇士之本意哉蓋制疎而事難

附文煩而理或蔽恐更得因緣而生姦也顧其勢當易  
今將審官院皇祐一司勅至嘉祐七年終以前續降勅  
劄新舊計一千二十三道承詔研精越於再歲且遠近  
之資不可逾俸者或終營以便地賞黜之律不可回執  
者或輒蔓以竒請誠繇前令之失中後文之惑義今則  
芟訂之當剔隱就明或緝遺於舊篇或析要於新格或  
整斥依違之論或絜齊同異之門科指較然自以為有  
司之成法也夫法既立不患不能以自守儻或敝容間

生制因事改則是書也豈特從而改之又將視前日之可盡易也可不慎哉其新編成條貫并總例共四百七十六條為五十卷委得允當謹隨狀進呈如許頒行欲以嘉祐審官院編勅為目仍乞却降付本院修寫成冊送中書用印下院遵守施行取進止

免禮部侍郎劄子

臣伏奉閣門告報除臣尚書禮部侍郎然臣身為史官修撰仁廟實錄蓋其職事即與它官不同加以奉詔五

年有餘累煩朝廷催督雖日夜積思終是淹延莫副上  
指方虞罪斥而反被思陟顧於私心靡敢安處臣已嘗  
陳避伏望宸慈特寢過命臣無任憂灼之至取進止

乞續修國朝會要劄子

臣伏見國朝會要凡朝廷檢用故事未嘗不用此書然  
上修至慶厯四年其後事迹恐歲久不脩寢成淪墜又  
當時亟欲成書及欲廣其部帙故其間尚有遺事而所  
載頗多吏文恐不足行遠欲乞選差官下史院自慶厯

五年以後續修至熙寧三年其舊書因而略行增損庶成一代之典取進止

辭免遺賜劄子

臣等蒙降中使賜臣等大行太皇太后遺留物者臣等備位二府祿賜已厚豈可因茲變故更復冒恩況今陵寢工費所用不貲義有可辭不能自己伏望慈察臣等微誠特賜寵罷取進止

免山陵使劄子

臣伏奉御批充大行太皇太后山陵使臣按昭憲山陵  
雖嘗命次相王溥至明德園陵乃命首相李沆臣伏思  
陛下舉太皇太后喪事於禮無所不加臣實位吳充下  
恐不足稱陛下所以追隆之意伏乞改命充應用故典  
取進止

校勘老子道德經劄子

臣觀祕閣老子道德經河上公章句凡八十一章皆有  
名及考諸家所藏本頗有異同今資善堂所寫御本獨

無章名然則章名疑非老氏之意其存亡不繫乎經也  
臣於其異同掇其所長因列著之以備聖覽取進止

奏為乞百寮早赴起居劄子

臣伏以霖雨以來寢以彌月陛下思答天誠日焦勞於  
丹禁之中然外廷之臣久不瞻視清光況城中車馬已  
通今尚未聞放朝臣愚竊恐惑聽四方欲望陛下下一御  
大昕之朝庶幾發清明之德弭陰沴之變則中外抃甚  
取進止



乞令密章不得還熙州劄子

臣早來伏奉聖諭王韶欲令密章復還熙州臣甚惑之竊惟熙河一道俗本羌戎自唐以來乘中原盛衰或得或失然失之莫不易得之莫不難也今得其地環數千里據大河上游使夏國有腹背之憂董戩失唇齒之附不為不要矣顧非陛下獨奮英武蓋未易得之前日得巴珍覺轄烏察棟固數人皆授以官而遣之蓋欲招致密章爾密章既出而韶意欲復還者不過以南山猶有

未附之人臣以為不然且密章屢殺害邊吏衆亦知其出而不還非如巴珍覺等之比因而縻之足使未附之人皆憚漢之威靈却易撫輯況西番大首領其桀黠更無有過密章者自詔經制一方捕斬無慮數萬級其威名早立今所遺一二種落豈待密章還而後定觀密章之降蓋勢不獲已即非誠有向漢之心如使居熙州我之動靜虛實一以得之其衆人皆腹心又怨漢深一旦引夏國與董戡乘暇發兵扼通遠之衝絕枹罕之餉四

面番部合力而攻熙州洮岷疊壑連衡而撓階秦方是之時恐熙河非復我有也蹈白之變度猶可以復勝者彼內無應也儻謀出密章變起熙州則事安可測也不但失之四邊又從而見侮棄前功而貽後患不可不思也竊以為密章之還利小而害大如陛下必欲慰羗人之心且令居秦州為便臣之愚見如此不敢自默更繫聖裁取進止

進提舉司條式劄子

臣等伏以王者履至尊之勢乘富有之資然而不敢以過制也上焉則有天地宗廟社稷百神之祀與夫乘輿膳服文物朝會享燕儀衛之供下焉則有百官祿秩甲兵餽給鄰聘賜予之式於是度四海之內治貢賦出財物漕輓以輸京師而又建官寺府庫委積苑囿關市治工之局以謹其出納焉雖調用繫之三司然綱領一總于提舉司且法傷於煩密弊起于因循不可不以時而裁定之本司與三司所部凡一百二處其額例自

嘉祐七年秋敕差尚書都官郎中許遵重行編修迄今三年始獲成書即送三司諸按看詳別無牴牾若夫官吏之數金布之籍監臨賞罰之格工器良窳之程舟車受納之限筦權虧贏之比至於轉補之資叙招收之等式皆迹舊以便今或芟繁而之要以嚴法度之守以窒欺蠹之端而其文備矣竊惟承平之日久吏或恬於苟簡而不知其職前此陛下發明詔敕有司使小大之臣蚤夜罔或不虔茲實朝廷求治之秋也蓋張官者政之

本立法者事之防夫惟是書苟遵用之不亦厘職之助  
歟新編提舉司并三司額例計一百五冊及都冊二十  
五冊共一百三十冊謹具進呈如得允當乞賜別立新  
名送中書門下用印降付逐處遵守施行取進止

奏交趾事跡劄子

臣近聞經制交趾事宜臣頃於廣西轉運使社祀得所  
奏交趾事其言自盜據以來世次與夫山川道路兵民  
之類為最詳其末又言存取之計頗可采如聞樞密院

文字比多散失輒用錄進以備聖覽取進止

乞罷勘箭劄子

臣前為南郊禮儀使竊見乘輿所過門必勘箭然後出入此蓋本天子師行故事大駕既動禮無不備及入景靈宮太廟則恐不當行勘箭之禮伏請下禮官考詳如別無禮意宜從罷去取進止

笏記

謝宣召赴集英殿乾元節御燕笏記

伏以鳴社膺期值南訛之司籥需雲錫宴崇萬壽以

稱觴恭惟

尊號

皇帝陛下躬上聖之資紹中天之命德

符炎歷早開大電之祥歡浹朱隣普慶南山之祝矧預  
秉鈞之冠更榮在鎬之逢舉樂皇恩永肩孤瘁臣無任

謝賜生日禮物笏記

臣某言伏蒙聖慈特差臣男秘書著作佐郎充崇文院  
校書某押賜臣某生日禮物者茂膺睿眷擢預台司載  
履始生之辰曲被至優之賜誓堅忠節期報鴻恩臣某



無任

謝賜年節御宴笏記二道

臣某等伏蒙宸慈特降中使賜臣某等年節御宴者伏以春元更煦君燕示慈樂及喜辰榮深近輔茲益尊號皇帝陛下仁均天施禮厚臣鄰適臨獻歲之祿特啟需雲之會擔肩一節申答殊私臣某等無任

伏以氣更年籥燕示天慈歡屬盛期寵申近輔茲益尊號皇帝陛下義深同體德廣為春特加折俎之儀使與

登臺之樂仰銜厚遇永厲丹衷臣某無任

謝宣召赴紫宸殿御燕筵記

伏以燕示帝慈歡修鄰好供宸旒而在望浹朝櫓以知

榮恭惟

尊號

皇帝陛下仁浸物生功參天令一元施統

適更鳴律之龢萬玉來庭特侈需雲之會臣等親逢盛  
際冒服近班仰涵君賜之深永厲臣愚之報臣無任

謝宣召赴集英殿春燕筵記

伏以春籥敷龢載歌羣物之楙帝庭命享遂合諸臣之

歡恭惟

尊號

皇帝陛下德與古躋事因時講備樂所以

昭禮加鼎所以示慈臣等參列台司首塵君召徒樂宴  
私之飲莫知涓露之酬臣某無任

中書謝春宴筵記

伏以春物喜華宸居暇豫中開宴賜下逮臣工

中謝伏

惟

尊號

皇帝陛下盛德對時至仁自性弗為獨樂務與

衆均臣等備位在廷逢辰多慶略無報稱第有戰兢

謝賜上巳瓊林苑御宴筵記

伏以襖屬芳辰燕班別禦飲盛華林之集歌同沂水之行臣等參柄近司預榮勝會雖盡臣忠之瘁匪疇君賜之隆臣某無任

謝參知政事笏記

臣某言伏奉制命特授臣參知政事祇奉渙恩伏深兢素伏念臣早以末學遭于盛期進領代言之司已妨賢路參謀論道之府何補聖猷茲蓋伏遇皇帝陛下求士不厭其勤用人不責其備致未捐于舊物且特置于近

僚敢不上體至懷內堅孤守益廣衆功之美少酬鴻施  
之私臣某無任

賀皇子延安郡王侍燕筵記

元豐七年三月

臣某等適得閣門告報延安郡王今日出侍大燕者伏  
以玉宸侍燕帝子承顏上慰聖神之情大為邦國之慶  
臣某等無任

欽定四庫全書



卷八

欽定四庫全書

華陽集卷九

宋 王珪 撰

制詞 冊文 赦文

吳天上帝冊文

伏以乾體純健博覆纖隱三光粹明臨照在下默定民  
命播生四時臣欽應靈顧皇建有極上符陽德司牧元  
元物登季秋躬修大報會以五氣宗祈明堂承順至尊  
精志孚盡降休右順維永維寧

赤帝冊文

伏以炎德乘離光明正大氣常在夏被於南訛任養函  
生靡不繁祉疇發我運赤符感精於赫會昌繼孝無極  
肅霜零暮萬物報秋五室清明接神之顧鐘鼓以繹玉  
幣以精既右饗之敷錫永祚

白帝冊文

伏以西方之氣金精行令主時肅殺大歛歲功黍稷既  
登積之粟粟五室合饗物與志盡涼露宵隕感惻滋至



念我皇考昭配於天禮樂熙明寧神祚德以蕃庶彙以綏烝人

仁宗皇帝加上徽號冊文

維元豐六年歲次癸亥十一月壬寅朔二日癸卯孝  
孫嗣皇帝臣謹再拜稽首言曰臣伏觀古先格王  
莫不大名發於前而大惠昭於後其法皆本於至  
公而不可易至後世臣子又欲盡報上之道以謂  
君德甚盛其言不足以包衆美於是有至郊加諡

之文夫欲推事存之禮述追遠之志則奉素享之  
榮號益新紀之鴻烈謀羣公請太室洋洋乎際天  
接地而震顯之不亦當靈心而傳古誼乎恭惟仁  
宗神文聖武明孝皇帝躬清明之資賦神睿之畧  
乾行施之不息仁性根於自然時乘六龍端御大器  
知窮八荒而不見其迹澤及萬彙而不居其功爾乃  
簡拔俊賢放遠邪佞有恕刑獄懷保鰥寡賞不徇所  
私罰必當於理興農桑之本務緝禮樂之隆文有慘

恒好生之心吏或誤入重辟必終身見斥有寬裕從諫  
之度言者屢進狂直必曲意見容念兵革之傷夷則不  
殺而服念稼穡之勤勞則罔寧於勉矧履天下之尊而  
持之以抑畏饗天下之富而實之以儉素輿馬不聞於  
游盤鐘鼓不涉於閒燕宮室無奢靡之飾器服無瑰奇  
之玩加以夙夜齊事天之誠盡霜露怵惕念親之感  
深方朝廷之久安乃大草因循而聖政又新為社稷之  
重計乃前定禍亂而皇嗣早立故四十二年仁恩川流

涵濡薰蒸格於上下日月華風雨均四時和百穀蕃北  
有勛敵而不能驕西有點羌而不能軼蟲魚遂性自安  
川藪之游男女潔誠更趨耕織之樂固有幽遐荒昧之  
俗不約而子來奇偉倜儻之瑞不務而特見者矣丕赫  
哉憲度鴻明聲文沛施自載籍之傳蓋未有休功盛業  
可加於茲也重循涼菲永念猷訓今將款清廟陟紫壇  
遂受厚福以浸黎元置於此時臨彤庭發玉版上不敢  
墮祖宗之典下不敢虧神民之情如堯如舜如禹如湯

豈不高一世之聞而流萬世之聲哉爰飭上儀載揚景  
鑠謹遣銀青光祿大夫守尚書左僕射兼門下侍郎上  
柱國太原郡開國公食邑七千六百戶食實封二千五  
百戶王珪奉玉冊玉寶加上徽號曰仁宗體天法道極  
功全德神文聖武濬哲明孝皇帝恭惟明德在天臨受  
徽稱維億萬年永錫嘉祉謹言

立夏國主冊文

維熙寧二年歲次己酉三月戊辰朔十四日辛巳皇帝

若曰於戲昔堯合萬邦而民風和周建列土而王業楸  
若古申命蓋國家之成法也咨爾秉常迪性純一飲躬  
恪虔生稟山川之靈舊傳弓鉞之賜撫有西夏尊於本  
朝知事君必盡其節知守國當保其衆乃內發誠素外  
孚誓言質之天地而不欺要之日月而不昧朕用稽酌  
故典表顯徽實錫爾以茅土之封不為不寵加爾以車  
服之數不為不榮涓辰既良備物既渥誕舉丕冊以華  
一方今遣朝奉郎守尚書司封郎中上輕車都尉賜紫

金魚袋劉航文思副使銀青光祿大夫檢校太子賓客兼御史大夫騎都尉彭城縣開國伯食邑七百戶劉愬持節冊命爾為夏國主為宋藩輔夫履謙順者靡不膺長福懷驕肆者靡不蹈後虞率身和民時乃之績往欽哉祇予一人之彛訓可不慎歟

嘉祐明堂赦文

朕承三聖之基履四海之貴深惟持國之日久益念為君之道難有臨聽之厘庶以圖天下之佚無奉養之靡

庶以資天下之豐兢兢萬務之維微勉勉前事之所  
戒倚以左右輔弼之正予敢有弗欽事於上下神祇之明  
予敢有弗肅屬九穀登富三辰昭華象來桂海之祥  
塵絕玉闕之警有邦之應於朕豈功恭念為天之子者  
必修報本之禋為人之子者必懷追養之慕重循非德  
屢緝曠文頃按明堂之圖古如路寢之制載經斯室載  
度斯筵值大火之驛芒乘秋季之肅氣物無上帝之稱  
非躬祠不足昭予虔醒維文考之尊非嚴配不足盡予孝



於時備法物之駕服大冕之章格靈貺於真庭歆清德  
於太宇還祇宗祀之舉具飭純誠之將乃神光陸離燭  
於薦鬯之夕喜氣休晏被於燎柴之時置丕事之繼成  
敢蕃釐之專鄉宜孚廷渙以契天心可大赦天下於戲  
承神之昨既均輝耀之微盭俗之瑕復若風霆之布蓋  
禮鉅則擇之博孝至則勸以遐尚賴秉文之英經武之  
傑厲同寅於王室壯大治於邦圖共荷無疆之休亦膺  
無窮之聞

治平立皇太子赦文

王者承天立極莫不思長世之圖為國建儲所以正萬邦之本故朕親先父子而天下不以為愛命發朝廷而天下不以為私粵予上嗣之良稟自日躋之聖出而就傳寢窮學肆之聞入則承顏勤至寢門之問比䟽榮於王社益修德於天枝顧荷丕基之艱猶虛正體之貳矧漢文命嫡著於即祚之初年且夏后立子期以傳家於萬世維羣元之所儀維大器之所承式符少海之祥宜踐東朝

之位肆顯冊之不發嘉僉言之大同爰契歡心用覃曠  
澤可大赦天下於戲文昭武穆夙詒燕後之謀震長離  
明本有承華之象蓋義重乎先者禮必亟舉慶施  
乎上則惠必遐流咨爾庶方當體朕意

欽定四庫全書

卷九

欽定四庫全書

華陽集卷十

宋 王珪 撰

制詞表

皇后曹氏賀明堂禮成表

伏以陽館致禋誕修曠禮端闡孚號沛發鴻恩邦典備  
成人倫胥慶伏惟皇帝陛下化流垓極功迪遠初緝三  
代之彌文規九筵之閔制臨裸在廟以追孝養之心欽  
柴於天以達歲成之報上靈昭格萬祉來寧妾叨正坤

儀協敷宮教獲覩宗祈之就顧慙內助之勤均被靈釐  
舉深抃素

婕妤俞氏等賀明堂禮成表

伏以鴻覆之德非至虔不足上交孝思無窮非昭配不  
能自達於穆宗祀維時總章人祇普和海寓均慶伏惟  
皇帝陛下罔丕天之偉績迪至聖之全能乘涼露之感  
懷拜高穹之大貺玉帛薦潔粢盛報豐靈心顧歆協氣  
充塞妾等陶生盛世玷列後庭竊觀熙事之成共樂寵

私之布

沂國公主等賀明堂禮成表

伏以涓露寢之室制總章之筵並侑五精之嚴下勉諸  
侯之孝鴻儀就緒羣聽馳歡伏惟皇帝陛下紹累聖之  
烈光享三神之盛福念物蕃俗阜茲靈顧所以降休謂  
德大報微非親祠無以格意於是奠美玉於法席升紫  
烟於太虛告成精禋隨霈休澤兕顧以弱質鍾於皇慈  
側聞清蹕之旋舉集柔束之忭

明堂禮成奏謝內外諸神御殿表

屬者酌皇祐之典奉合宮之祠嘉盛薦芳美樂象德誠  
孝孚盡休祥顯臻荐成曠儀實荷丕蔭

仁宗掩皇堂皇帝奏告表

伏以日月不居几筵如昨山川之勝陵邑旣新惕遵遺  
訓之書阻從大升之駕涓辰維吉復土即期瞻法御以  
長違結孝思之罔極

皇太后奏告表



伏以萬邦在疚音遏舜庭七月戒辰陵開漢邑應龍岡  
之嘉兆掩玉劒於幽局風蕭騷而四鳴日曠昧而西下  
上漢之遊莫返終天之恨何窮

南郊禮成奏謝東園門等處諸佛表

茲者乘天之序饗帝於郊並輯百神之歡大蒙四海之  
福顧盛儀之備飾繫上方之溥通益嚮妙緣庸申精報  
明堂禮成奏謝名山諸佛表

伏以秋昊晚序世室宗祈禮樂具將神祇昭格大慈濟

力能事成熙敢達至忱以綏鴻施

年節皇帝酌獻永昭陵表

伏以太簇還律青祇御郊來方貢之萬珍應農祥於東

作恭惟

尊諡

皇帝鴻名軼古遺澤被民下未央之庭追

晨觴於昔獻望穀林之野感春露之初零皇訓是承孝

思何極

年節皇太后酌獻永昭陵表

伏以窮律收寒新陽發煦動年輝於廣殿變晨景於會

林恭惟尊諡皇帝睿智而早御聖圖聰明而夙勤天綽  
忽凝丹於軒鼎已駐節於崑邱載驚歲月之遷空結園  
陵之戀

正月旦起居仁宗永昭陵表

伏以淑氣回郊鮮飈動物履四時之首祚蒙萬國之嘉  
休恭惟尊諡皇帝聖德天臨神謀世賴橋山夜永空悲  
玉劍之沈漢殿春長猶憶椒觴之獻僊遊何在哀緒難  
任

六月旦起居仁宗永昭陵表

伏以氣應林鐘日躔東井候溫風之始至感溽暑之將

徂恭惟

尊諡

皇帝仁澤具深光靈未遠神游安在邈四

海之所懷仙寢空成度百年而猶畏深惟罔極永悼何勝

八月旦起居仁宗永昭陵表

伏以維時仲秋厥月初吉飛上林之涼葉動伊水之寒雲恭惟

尊諡

皇帝澤被涵生福流後裔龍興御漢驚歲

月之屢遷玉座凝塵悵光靈之永隔每懷遺訓空積悲  
悰

十月旦起居仁宗永昭陵表

伏以流陰變律寒氣凝辰風匝野而四鳴日臨圭而初  
薄恭惟尊諡皇帝仁深萬類謀燕後昆弓劍不留已掩  
橋山之固衣冠猶在空陳渭水之遊冬序又新孝思無  
處

十一月旦起居仁宗永昭陵表

伏以冬律又中神游何在動朔吹於石馬下申霜於玉

除恭惟

尊諡

皇帝謀翼世長仁霑物厚崦嵫日薄空勞

夸父之蹤蒼野雲深莫返帝虞之駕撫節易感懷恩豈窮

初忌酌獻永昭陵表

伏以春籥正闌仙園何邈空留言於玉几已駐景於崑臺適及遺弓之辰靡勝濡露之感就陳嘉獻尚鑒哀悰

奏告福寧殿景陵宮永昭陵表三道

伏以靈輿厭代已隔於僊游駒隙流陰忽臨於練祭恭  
惟尊諡皇帝功烈被世威靈在天遺弓劒於橋山陳衣  
冠於漢廟爰歷上賓之旦何勝永慕之懷

伏以昊天之德雖懷欲報之心三歲而除敢越通喪之  
禮恭惟尊諡皇帝宅靜淵之德躬神睿之資自仙馭之

升遐忽素冠之終制顧言未遠摧泣何勝

伏以白日賓空莫返乘雲之御暮春感節載臨遏樂之

辰恭惟尊諡

皇帝稽古凝猷參天布化輯九圍之至治

遺萬世之丕休永惟大統之承何極終憂之慕

永昭陵乾元節酌獻表

伏以白日賓天早促乘雲之御薰風紀節載追感露之  
祥撫玉几以悼心望栢城而賁涕敢陳芳薦庸達孝思  
仁宗禪除奏告永昭陵表

伏以三年之喪所不敢過閒月而禫及此而除雖哀變  
之從宜惟孺慕之如昨明靈猶在摧殞難勝

永祐陵迎奉錄於敷文閣安奉奏告聖祖天尊



大帝元天大聖后表

伏以於皇顯考還宅幽宮衣冠永闕於明靈金石載哀  
於固實茲陳汗簡恭即寶儲仰道祖之降康

元天大聖后曰道妣

佑炎圖而滋熾

內中奏告立冬表二道

伏以四氣代遷盛德在水田收賦入民樂維時迎寒於  
郊國有常祀靈觀祚德庶格順祥

伏以景延主下和襲緹中維統氣於三微甫施生於萬

景臨祕殿之清夜露寶薰於大霄庶將蠲志之通式  
繁釐之集

冬節內中賀露香表二道

伏以萬物滋萌荐歷天施之統九清垂祐夙膺帝祚之  
休茲用被祕寢之廷露寶薰之炷迎嘉祥於穀旦薦精  
志於上穹靳與羣元永懷丕蔭

伏以流晷荐更初陽來復顧茂膺於丕歷思寅奉於大  
時薦信上園導和始旦庸保羣生之泰更如至日之長

內中奏告冬至表本

伏以天地之元陽施陰化羣物萌動嗣興歲功於時嘉  
休大被四極匪神之造曷以順宜竭誠致精尚或感格  
皇后向氏賀南郊禮成表

伏以灌玉太宮欽祖宗之盛烈燔柴告土報天地之大  
成屬在昌期式為丕舉

中賀

恭惟皇帝陛下德懋舜詒

功過禹勤肆肇纂於聖圖率躬施於能務從權制祀本  
循祖則之宜歛福在民具膺皇極之證妄蚤緣家閥獲

侍宸尊承甫就於鴻儀激素傾之榮抱

皇后高氏賀南郊禮成表

伏以國家揆天正之元修郊見之事肆嚴禋之就緒孚

渙號以均休一氣肇和羣倫胥慶

中賀

恭惟皇帝陛下

膺上靈之眷紹四聖之圖乘三歲之屢登合兩儀之大  
報璧玉華潔染盛苾芬率百神之丕歆擁萬福而來下  
妾猥承天契獲正坤儀聞緡典之具修激柔衷之至抃

貴妃沈氏賀南郊禮成表

伏以國家順稽皇則肇舉元禋肆成大報之熙允浹羣  
生之豫中賀恭惟皇帝陛下紹先王之累盛勤上古之  
難行休惕以見祖宗明察以事天地升紫宮之燎迎穀  
旦之萬祥下丹闕之書霈綿區之大澤矧丁昌運實煥  
丕猷妾叨侍三朝老居別掖豈意微生之慕猶欣盛事  
之逢

越國長公主等賀南郊禮成表

伏以卜歲集祥紀黃鐘之初篇因郊報本升紫燎之高

烟禮盛昌辰慶交綿寓

中賀

伏惟皇帝陛下體乾純粹

協帝欽明化窮異類而罔不億寧澤被涵生而罔不蕃  
殖來四海之助適親奉於嚴裡合三神之休遂渙孚於  
大號振古之美與天亡窮兒蒙蔭僊支鍾慈皇室屬蠲  
成於熙典實馳拔於丹衷

楚國大長公主等賀南郊禮成表

伏以假廟致孝尊天報恩並交三神之歡丕冒四海之  
福

中賀

恭惟皇帝陛下體乾覆之德若朝升之明因歲

習之多祥適躬修於鴻祀見祖禰於八室合丘澤之一祠釐事備成羣元大慶兒參華天胄沐愛皇闡聽車蹕之初還浹宮塗而共抃

南郊禮成奏謝內外諸神御殿表

天正之吉景氣晏休自宮徂郊稱秩元祀萬祥來下蒸被羣生繫保右之如克有就

奏告永定陵表

伏以盛德錫符夙啓休平之運皇圖接統長垂燕翼之

謨恭惟尊諡皇帝功格乾祗道包繩契恩留二紀永深  
遺御之思氣易中春還及上賓之旦申懷罔極致薦如  
存

奏告永定陵景靈宮慈德殿表

伏以守長世之基緬懷垂裕之訓愴流陰之遽還履過  
音之辰恭惟尊諡皇帝德厚同天仁深被物顧威神之  
如在保運祚以無疆施及眇躬獲承大統空極遺弓之  
奉何勝濡露之思



皇帝賀皇太后過宮表

伏以人道本孝不可限天子之尊皇居作宮所以正母

儀之位涓辰移御浹宇均歡臣某

中賀

恭惟皇太后體

坤載之方儷天飛之正杜私恩於外謁翼大治於先猷  
念我之生每盡劬勞之力逮夫有立實繫提訓之言顧  
肇及於纂承久未遑於營建適新華構用揭鴻名慕老  
氏之宗已敦風於慈寶思太任之聖更嗣德於徽音願  
享千齡之休永承四海之養興言菲質惟竭孝心

英宗永厚陵表

伏以歲華易晚冬律又中馳愛景於曾城結重冰於太液恭惟尊諡皇帝早膺靈命歛厭神機漢寢朝寒疑玉衣之自舉驪宮夜永想金鴈之空飛載感流陰益深遙慕

正月旦起居仁宗永昭陵英宗永厚陵表

伏以窮陰謝節端月應辰破新萼於上林動輕漸於太液恭惟尊諡皇帝睿謨經世靈德對天萬國貢珍不見

涵元之會六龍奉駕莫攀閭苑之遊感嘉歲之載新望  
仙園而增慕

六月旦起居仁宗永昭陵英宗永厚陵表

伏以律中大林日臨東井被溫風於羣物徂畏暑於層

空恭惟

尊諡

皇帝皇躬儉勤聖德廣密露團金掌終成

漢武之僊雲滿蒼梧莫返帝虞之道威容如昔慨慕何  
窮

七月旦起居仁宗永昭陵英宗永厚陵表

伏以薦收御令夷則旋宮感涼風之動辰望流火之歛  
夕恭惟尊諡皇帝積隆丕烈慎固成基萬務勞精終損  
文王之壽九清棲景莫追軒后之遊搖落經年愴悽盈  
抱

八月旦起居仁宗永昭陵英宗永厚陵表

伏以流陰易遷素律俄半涼風颭以薦至白露團而下

零恭惟

尊諡

皇帝至德幾神休功澤世人心永慕終疑

蒼野之游天令空回卽及總章之御載驚搖落中積愴

悽

皇帝祈福諸陵表

臣嗣守大器夙夜祇栗懼不足以承祖宗之聖業乃自  
春以來積勤違豫豈臨聽之不明災咎所緣而致哉惟  
靈心顧懷使保有大命以丕承於邦祀不亦宗社無窮  
之休

皇帝康復奏謝諸陵表

臣嗣守丕序不敢怠遑萬幾積勤至於違豫在天之監

錫福以寧夙夜嚴祗益謹靈戒

年節起居宣祖永安陵太祖永昌陵太宗永熙陵真宗永定陵仁宗永昭陵英宗永厚陵表

伏以日躔虛次斗建寅初起歲事於東郊動春華於上

苑恭惟

尊諡

皇帝隆名益古厚澤加民萬國來庭猶想

獻珍之會五陵連陌空成拱木之陰夙荷遺謀內深馳

惻

寒食節起居諸帝陵表二道

伏以桐華近節榆火變晨感景物於流年愴衣冠於遺  
寢邀企御天之烈永詒垂世之謨施及眇躬嗣膺大器  
每伏孝思之惕敢虔時薦之芬

伏以華林遺景將修禊水之遊并土舊傳已舉藏烟之  
令恭惟尊諡皇帝履中天之運詒萬世之謀人避軒臺

終若威神之在露零漢殿空深怵惕之思仙馭雖遐嘉  
觴或顧

中元節起居諸帝陵表三道

伏以方秋之初維月之望聽商聲於夷則校仙籍於元

都恭惟

尊諡

皇帝靈德在天燕謀垂世戎衣清難定業

當年羽仗賓空憩遊何所肆奉承於大統固覆被於遺  
仁載驚搖落之辰重發愴悽之慕

伏以斗建申中月躔枵次適及夷傷之候可勝悽愴之

懷恭惟

尊諡

皇帝垂業艱難詒謀燕翼軒臺弓劍葬在

橋山漢廟衣冠游於複道興言冲眇嗣守平成顧秋序

之甫初惟孝思之罔極



伏以清飈肅物大火流空乘西顥之素輝應中元之嘉  
令恭惟尊諡皇帝運膺炎歷德覆鴻區保漢鼎之安成  
萬世之基業起軒邱之畏著百年之威神顧歲景之貿  
遷帳宸遊之緬邈永循邦訓內怵時思

